

Vischnaunca da Mustér

Lescha santeri

2016

I. Determinaziuns generalas

- Art. 1 Basa legala
2 Intent
3 Survigilanza e cumpetenzza

II. Uorden da satrar

- 4 Obligaziun da satrar
5 Temps da satrar
6 Caplutta da morts
7 Prestaziuns dalla vischnaunca
8 Taxas, regulativ

III. Uorden santeri

- 9 Fossas
10 Partiziun dil santeri
11 Fossa communabla
12 Turnus da satrar
13 Exhumaziuns
14 Urnas
15 Profunditad dalla fossa
16 Rama dalla fossa
17 Cruschs e monuments
18 Mesiras
19 Inscrizziuns
20 Termin da postar
21 Lubientscha
22 Cass excepziunals
23 Vias
24 Manteniment dallas fossas
25 Register dallas fossas

IV. Determinaziuns finalas

- 26 Sancziuns
27 Dretg da recuorer
28 Vigur

I. Determinaziuns generalas

Art. 1 Basa legala

¹Sin fundament d'art. 12 dalla lescha da sanadad dil cantun Grischun relai la vischnaunca da Mustér questa lescha santeri.

²Aschilunsch che questa lescha prescriba nuot auter, valan las prescripziuns federalas e cantunalas.

Art. 2 Intent

Il santeri ei proprietad dalla vischnaunca e survescha al davos ruaus terrester dils defuncts. Ord respect visavi ils defuncts duei reger en quei liug benedi uorden e ruaus.

Art. 3 Survigilanza e cumpetenzza

La suprastonza communal survigilescha l'execuziun ed interpretaziun da questa lescha e decida tuttas damondas che pertuccan il santeri.

II. Uorden da satrar

Art. 4 Obligaziun da satrar

Il dretg da schar satrar en santeri han:

- a) tuts domiciliai en vischnaunca
- b) tut quels ch'ei morts sin territori dalla vischnaunca
- c) cun lubientscha dalla direcziun communal:
 - burgheis da Mustér che habiteschan ordeifer
 - defuncts cun relaziuns specialas cun la vischnaunca da Mustér.

Art. 5 Temps da satrar

Las sepulturas e las cremaziuns astgan succeder sil pli baul 48 uras e dueien haver liug en principi sil pli tard 72 uras suenter la spartida dil defunct. Cass specials basegnan ina lubientscha excepziunala dil medi districtual.

Art. 6 Caplutta da morts

¹Per postar las baras stat la caplutta da morts (Encarna) ella baselgia parochiala a disposiziun.

²La direcziun communal dispona en concordanza cun la pleiv davart il diever dalla caplutta.

Art. 7 Prestaziuns dalla vischnaunca

La vischnaunca organischescha la sepultura e procura per:

- a) la publicaziun officiala
- b) il cavar e cuvierer la fossa
- c) la rama dalla fossa en crap-granit
- d) il tschentar la rama dalla fossa
- e) la tabla e l'inscripziun dalla fossa communabla.

Art. 8 Taxas regulativ

Per cuvierer las spensas incassescha la vischnaunca ina taxa da frs. 300.– tochen 1'600.– tenor il regulativ da taxas per il santeri. La suprastonza communal relai in regulativ da taxas.

III. Uorden santeri

Art. 9 Fossas

Il santeri S. Gions cuntegn:

- a) fossas per spirituals
- b) fossas per carschi
- c) fossas per affons
- d) fossas per urnas
- e) fossa communabla

Sco affons valan tuttas persunas sut 10 onns.

Art. 10 Partiziun dil santeri

Il santeri ei dividius en secturs. Ei vegn satrau en retscha conform al plan santeri. Per satrar urnas en fossas vegn fixau in sector special.

Art. 11 Fossa communabla

¹La fossa communabla ei destinada per la sepultura dad urnas ni era mo dalla tschendra.

²La vischnaunca organischescha il manteniment ed igl ornament dalla fossa communabla. Ella procura ulteriuramein per las tablas da crap e per l'inscripziun unificada cun num, datum da naschientscha e dalla mort dil defunct.

³Il cuosts per la sepultura ella fossa communabla, l'inscripziun ed il manteniment ein cunteni en la taxa unica da sepultura.

⁴Ei exista negina pusseivladad da postar individualmein fluras resp. ornaments sin la fossa communabla.

Art. 12 Turnus da satrar

¹Ein tuts secturs occupai cumpleinamein entscheiva in niev turnus.

²Cruschs e monuments dallas fossas cavadas si ston vegnir allontanai ord santeri enteifer in meins suenter la visada ufficiala.

³Vegn ei buca dau suatientscha a quella prescripziun croda la crusch ni il monument en possess dalla vischnaunca

Art. 13 Exhumaziuns

¹Il temps da ruaus munta per tuttas fossas cun bara minimalmein 20 onns. Las fossas astgan vegnir cavadas si pér suenter che quei termin ei spiraus.

²Vischals da plum e da lenn dir ston vegnir aviarts ni perfurai avon che la fossa vegni cuvretga.

Art. 14 Urnas

¹Urnas san vegnir satradas en ina fossa d'urnas en retscha ni en ina fossa comunabla per urnas. Il temps da ruaus per quellas fossas munta medemamein 20 onns.

²Sin giavisch stat l'urna a disposiziun als parents per ina sepultura privata.

³Sin giavisch dils parents san urnas vegnir satradas en ina fossa existenta. Il temps da ruaus d'ina tala fossa sedrezza denton tenor igl εμπrem defunct satraus en quella fossa.

⁴En fossas existentas eis ei pusseivel da satrar sper la bara ni l'urna maximalmein duas ulteriuras urnas. En cass specials sa la direcziun communal lubir in'excepziun.

Art. 15 Profunditad dalla fossa

La profunditad minimala dalla fossa munta:

1.50 m tier fossas per carschi
1.20 m tier fossas per affons
0.80 m per urnas.

Art. 16 Dimensiun dalla fossa

Las fossas vegnan enramadas cun crap-granit. Las mesiras exteriuras dalla rama muntan tier:

a) fossas per carschi	lunghezia	1.60 m
	ladezia	0.60 m
b) fossas per affons ed urnas	lunghezia	0.80 m
	ladezia	0.40 m

Art. 17 Cruschs e monuments

¹Ei sto vegnir tschentau ina crusch ni in monument da crap sin las fossas en retscha.

²Cruschs-fossa ston esser da lenn ni da fier zincau e patinau. Cruschs da ghisa ein buca lubidas.

Art. 18 Mesiras

¹Cruschs e monuments astgan haver las suandontas dimensiuns:

- | | |
|-------------------------------|-----------------|
| a) fossas per carschi | |
| - altezia inclusiv postament | 0.90 m - 1.30 m |
| - ladezia maximala | 0.60 m |
| - grossezia maximala dil crap | 0.15 m |
| b) fossa per affons ed urnas | |
| - altezia inclusiv postament | 0.45 m - 0.65 m |
| - ladezia maximala | 0.40 m |
| - grossezia maximala dil crap | 0.12 m |

²Sin las fossas eis ei buca lubiu da postar plattas che cuvieran pli che la mesadad dalla surfatscha dalla fossa.

Art. 19 Inscriziun

¹L'inscripziun sto cuntener num, prenum, onn da naschienscha ed onn da mort dils defuncts.

²Tuttas inscripziuns han da succeder per romontsch.

³Las tablas e l'inscripziun per la fossa comunabla succedan en fuorma unificada entras la vischnaunca.

Art. 20 Termin da postar

Cruschs e monuments astgan vegnir postai pér diesch meins suenter la sepultura.

Art. 21 Lubientschas

Avon che surdar las lavurs per ereger cruschs e monuments sto la damonda per la lubientscha vegnir inoltrada agl uffeci da baghegiar. La damonda sto cuntener:

- ina skizza che cuntegn fuorma e mesiras
- indicaziuns davart material e l'inscripziun
- l'adressa dil responsabel
- termin d'execuziun

Art. 22 Cass excepziunals

En cass extraordinaris ei la direcziun communal autorisada da sviar da quellas prescripziuns concernent las mesiras da cruschs e monuments.

Art. 23 Vias

La vischnaunca eregia e mantegn las vias.

Art. 24 Manteniment dallas fossas

¹ Ils parents dils defuncts ein obligai da mantener las fossas.

² Sin giavisch sa il manteniment da fossas vegnir surdaus alla vischnaunca encunter ina indemnisaziun fixada el regulativ da taxas.

Art. 25 Register dallas fossas

La vischnaunca meina in register dallas fossas e dallas urnas che cuntegn la numera dalla fossa ni dall'urna, num e prenum dil defunct ed il datum dalla sepultura.

IV. Determinaziuns finalas**Art. 26 Sancziuns**

¹ Surpassaments da questa lescha vegnan puni cun castitgs entochen frs. 1'000.– entras la suprastanza communal.

² Vegnan cruschs e monuments erigi encunter las prescripziuns dalla lescha ni dalla lubientscha, ordinescha la suprastanza communal da midar ni spazzar ils indrezs.

Art. 27 Dretg da recuorer

Encunter decisiuns e disposiziuns dalla suprastanza communal san ins recuorer enteifer 30 dis alla Dertgira administrativa dil cantun Grischun.

Art. 28 Vigur

Questa lescha ei ida en vigur cun l'approbaziun entras il pievel dils 27 da zercladur 1993 ed ei vegnida revedida dil cussegl da vischnaunca ils 26 d'uost 2011 ed ils 17 da november 2016.

Il president communal:
Francestg Cajacob

Il canzlist communal:
Andri Hendry